

فی ۱۲ ربیع الاول سنہ ۱۳۱۴

نومرو ۱۷ برنجی سنہ

و فی ۲۳ اگستوس سنہ ۱۰۸

آندہ ایکی دفعہ نشر اولنور

بر سنہ لك آبونہ بدلی قرق بش غروشدر

بر نسخہ سی ۲ غروشدر

مکتبہ
میں
مکتبہ

وشاورہم فی الامر

مدیری : احمد رضا

محل ادارہ سی :

48, Rue Monge, Paris.

عثمانی اتحاد و ترقی جمعیتك واسطہ نشر یاتیدر

متروکیتدن یاسه دوشن افراد ملته عطف نظر اعتبار ایدرمی ! ...
کندی زخمزه کندیز مرهم ارمیلز افاق و اتحاد ایتلیز . بای تجاوزی
حدودمزه طوغری اوزانان اجانبیدن اول دست تسلطی اوزریمزدن قالدیرمیان
خانئن ملتی تأدیب ایتلیز .

بزه بوکون صلاح دکل صلاح لازمدر .
بونیده درعهده ایتش برجیت واردر . اکا اشتراک ایدم الی قلم طوتانلر
کلامیه صاحب نفوس اولانلر انک استعمالیله پارهسی اولانلر اعانلیله یاردم
ایتلیدر . حیت قوتله توأمدر . افراد ملت مکیفاته کلشی کوزل پاره اسرا-
قندن چکنیمور حالبوکه بزذاتاً الیزده آووجمزه اساساً موجودی قالماسنه
یاقلاشان بقیه تروغری استحصال اذواقده دکل تأمین استقبال اوغرنده صرف
ایتلیز . نه اولور اصحاب حیت ایدم ، ایکی ایدم بر مکیفاتندن اقتصاد ایتدیک
اون بش یکرمی غروشی جمعیت صندوقنه کوندروب برخیز عملده بولنسه ؟ ...
انتهده . ولایات یونانیده روملر اعانات درحیله کولکلی یازوب کریده
سوقیات متوالیده بولنورلر . بزاعاناتی عسکر جمعی ومهمات اهداسی کی
شیرله صرف اتمیه جکر اناطولیده . کریده استانبولده بیکرجه اسلام
اوجاقلری سونمش خانانلر باتیرلش عالهلر آج . خستلر مجروحلر بیعلاج
براقیلش بیتیملر طول قادینلر کرداب سفالته ترک ایدلشلردر . انلرک تحفیف
یار اضطرارنه تهوین حال پرغذابه چاره آراهه جغز .
اوج ایدنیریدر (مشورت) برانعه دفتری آچدی ملیونلرجه اسلامدن
انحق اون اون بش کشی اشتراک ایتدی . بو قدر قیدسزلق ، بومرئب
[حیسنزلک] بزه عثمانلیله یاقیشوری ؟ ...

سلانیک احوالی قنالمشقه در . یونان مقسدرلی کویلری قضالری
طولاشمقه وبارده الله مواعده سائر الله کویلری برقام وقوعنده اتفاق واتحاده
تشویق ایتیکده واقاع ایدم بیلدکیرینی ، قولایقله طوبراغزه ادخل ایتدکیری
سلاحلری توزیع ایتیکده درلر . پولیس جرائم عادیه ، دیگر اقسام حکومت
بیلیم نه الله اوغراشیور ؟
کچن کونلرده قره فریده ایدم . یونان اشقیاسیله وقوع بولوب بزم یکرمی
عسکر وبراکی ضابطک الله دوشمه سیله نتیجه لنن وقعه نی اورا اهلایسندن
دیکلدم . دیکلکیرینه باقیلورسه عسکرک اشقیایله دوکوشدکیری صرده قره
فریه به شمندوفرله کلن عسکر . ویریلان خبر اوزرینه ، محل وقعه به
کوندرله ایش نه اوناموس عسکریمیزی براد ایدن هزیمت فطیعه وقوعه کله جک
ونده شقیلرک ایلری به کیتلرینه امکان قاله جقمش . فقط سو قیاده کی عدم
انتظام ضابطاتزده کی بطاات تام هر درلو موفقیت قابلیت نی عقم برافش !
قرمه ج اووه سنده وبراکی محله اهالی اسلامیه کنجاری سلاحنوب
محافظه نفسه مدافعه اشیانه پدیده حاضر لشنلردر . بوانی برنتیجه ویزمز

زربه وارده جغنی اکلا دیغی ایچون حمیده الاینی استانبوله جلب ایتدی . حریت
وعدالت طرفدارانی ازملک ، وهم ترک نامی ، شانی بر باد ایده رک ازملک ،
ایچون ایجاب ایدرسه بلغار عسکرینی ده کتیرته جکدر .
برملکک ، برملکک صلاح وخلاصتی اوملکی ، ملتی قصداً باتیرمغه چالیشان
برخانک لطفندن بکملک خطارد . وطنمز اشقیاینا اولدی . دنیا بزی
عیلایور . سلطان حمید اوتامیورسه باری بزارلانم . حکومت اساسی
محافظندن عاجز ایسه عمومک وباخصوص مملکت مزده مسافر یشایان اجنیلرک
عرض مال وچانی بزحافظه ایدم . حایه مزه صیغتمشلی قورومق ،
آغیرلامق بزم اوته دیری باعث شهرتمز . افتخارمزدر . دولتمزی بسبتون
اورته دن قالدیرمق ایچون دشمن وسیله آریور . سوقاقد برکولری چیه جق ،
دکانلر ، کلیسار صوبیله جق اولورسه کندیمیزی بردها مسئولیتدن قورتاره مایز .
هم دولته وهم بزه بک یازیق اولور .

احمد رضا

سلانیکدن

بیلیم نه زمان بوکشمکش استبداد جوش خروش فساد نهایت بوله جق .
ملت یاروسنک التیامه ماتمنک ختامه ایریشه جک ، وطن ضایعاتنک تلاقسنه
نام معالی انسام اسلام بر آووج دانستارک الهاء سیئالیله . شهرته عارض اولان
لککنک دفع ورفتمه . عنوان خصافتیان عثمان ، ینه کندی اولادندن بر
حینک ثمره تلخین حیات آثار پیش رزالتی اوله رق مزیات جوانمردانه فضائی
عالیمسندانه سه حادثاً تعلق ایدن غبار عیک شائبه تزلک جرح وازاله سنه موفق
اوله جقدر ؟

ینه بیلیم نه وقته قدر ، ملت ، اولادی رتبه سنده معزز پیدرنک مشهدی
والده سنک مقبری درجه سنده مقدس اولان تراب پاک وطنک خون مظلومین الله
غریو معصومین الله فریاد مجروحین الله آه واین صابرین الله الوده قالمسنه
نام علویتنام ملیه نیک برشردمه قلیله رزیه نیک رداات وخباتنه اضافله اقوام
مدنییه قارشو وحشت جهالت ، خونخوارلق باربارلق الله طانلمسنه حیثیت
اماسیه ناموس وشهرت عسکریمزک والحاصل برزمانلر دنیایه بیون اکدیران
قوه شتیعه عادلانه مزک دوجار انقراض رهین اندراسی اولمسنه بیگانه متغافلانه
نگران اوله جقدر .

بو قدر غفلت بودرجه عطالت یتدیمی ؟ ... نه نی انتظار ایدبورز ؟
کیمدن نه کی برخدمت امید ایدبورز ؟ سرکارده اولنردنمی ؟ انلر بو وپننده
طوغدیلر فقط انک صمیمی اولادی جدی خادمی دکل بوملرکی جراد وحشرات
کبی ویرانجیسی مخربلریدر ! برطاقی حرص رتب ونام بعضیسی بدمشی
اقبال ید فرجام الله باشی قیدسنه دوشمش یقوب ویران ایتدکیری دولتک
انقراضندن کنجینه لر ادخارینه قویولمش ، اوتده آجندن حالت نزع کلن

بالآخرہ خریستان تبعہ ایلہ اتفاقی و بلیکے بیوک فالغی موجب اولہ بیلہ جکدر .
 اہ انجانی خیر ایلسون !
 ل . ط .

سورہ دن مکتوب

حوران درزیری بنہ اولکی ترتیبی پایدیلر . عسکر مهاجہ ایتدی . اونلر
 بعض موقعلر مدافعه کوسیدیلر . برقاچ اوفاق تفک محاربہ اولدی . درزیرلر
 فرقه فرقه طاغدییلر لجه طرفلرینه صفدییلر . اون کوندر محاربہ اولیور . بو
 ایکنجی حرکات عسکریه درزیردن زیادہ عموم حوران اہالیسی ازدی
 بتیردی . درزیرلر ذاتاً اشیا و ذخائرینی اولدن قاچر مشرل ایدی . یکریمی طابور
 حورانہ کیردی . پیہ جک بولہمدی . چارناچار راست کلدکلری حرمانلر
 قالدیرلدی . مواشی ضبط ایدیلدی . عسکرہ تمینات ویرلدی . مضایقہ نیک
 مرتبہ سی بالدفعات استانبولہ یازلدی . معاونت استلدی . قطعاً جواب رد
 ائدی . عسکری آچلقدن قورقارقم ایچون یغماند بشفہ تدیر بولہمدی .
 درزیرلر حرکاتہ عصیان دینلیور . ایک دفعہدر عسکر سوق اولتیور .
 عاصیلری تأدیب ایدیوروز دیورلر . ملتدن برملیون لبرا التیور . عسکردن بر
 قاچ بیک بیکت آچلقدن خستہلقدن تلف اولیور .
 بادئ عصیان ندر ؟ درزیرلر ندرن سلاحہ صارلایلر ؟ نہ استیورلر !

بونی ملت بیلیمور . ادارهدن سورلیور . حتی اودہ بیلیمور .
 اداره سوک کونلرہدہ بوجہقی فصلہ خاطرلیہ بیلدی . استانبولدن برہیت
 تفتیشہ کلدی . مابین کابلرندن حتی بیک ریاستندہ تمیز اعضاسندن شفیق بیک
 علمیندن مالک ایتدین مرکبدر . شامہ واصل اولدیلر . ایلک کونی مراسم
 زیارتدہ والی ایلہ بوزشدیلر . زیارتہ کیتکلری وقت والی مشغول ایش . براز
 بکلملر . کورمندن عودت ایشملر . اعادہ زیارتدہ والی قبول ایتدیلر .
 کندی باشلرینہ حورانہ کیتدیلر . مشیری شمندوفر استاسیونہ استہ مشلر .
 اردویی ترک ایدہمیہ جکی بیلدرمش . اوکادہ حدت و غضب ایشملر .

بیلدیز آداب و تربیسی نہ غریب شیر !
 بز بوحالہ « جنت علمکناری » دیہ جکر .
 وظیفہ ندر ؟ طوسیہ جق مسلک نہ اولمیدر ؟ بورالری دوشنلمیور .
 بیلدیز ایشی ہیت تفتیشیہ ہیچ حاجت یوقدر . یاپیلیمی لازمکن تدیری
 بز حبتہللہ سوبیلیم .

شرع امری و جہلہ « حل عقد » ارباندن مرکب برہیت تدقیقہ کوندرد .
 یکر . بونلرک مسلک و ناموسلرینہ ملت امین اولسون . سورینک سابق والیسی
 عثمان پاشانی . اردو قوماندانی عمر رشدی پاشانی ، زاندارمہ قوماندانی
 خسرو پاشانی . اسکی شام مکتوبیسی موقع جرم اولان شامہ اعادہ ایدیکر .
 درزیرلرک ارکان و مشائخی چاغر کر . ظلم کورن عالہلر اورتیہ جیقسون .
 عرض و ناموسلری ہتک ایدیلن نسوان میدان عدالتہ کلسون . بیکر جہ

درحب ایدیلن التولر الدینی مظلوملر حضور شرع و قانونہ جیقسونلر .
 مملکتہنک قانونی وجہلہ بوجہک عدالتی تشکیل و تدویر ایدیکر . وجدان
 ناموسمز اوزرینہ سزہ سوز و یرزکہ نظام ایلہ مظلوملر اون کوندہ میدانہ
 جیقار . ظلم خائلی تأدیب ایدرسکر حقوق مقصوبہنی بونلردن استرداد
 ایدوب مظلوملرہ اعادہ قیلارسکر . سفک دما اواندہ منقطع اولور . ایکی
 قرداش بریرینہ سلاح عداوت یرینہ دست وفاق و اتحادی اوزادر . وطن
 خرایتندن قوریتیلور ملت براز راحت اولور . قالا مصائب دوام ایدہ جکدر .
 یازقدر ! شریعت و انسانیتہ بیک آقیری کیدورسکر . مسلک و مقصدیکر
 سزہ مدانظار ایدن اجانبی الداتقی ایسہ ہیہات ! بیک بوش کناہدر ! مروہ
 تسزلکدر ! وجدانسزلقدر !

ملتک کوزینی بویامق فکرندہ بولتیورسکر . اوصرہلر یکجہدی عالمہ
 (حقیقت) دینلین برحقیقت واردر . بوکا قارشی کلنمز . ہیچ برحائل بونی
 نظردن صافلیہمز . ایشہ و حقیقت شمدی ملتک کوزلرینی صادیقینی شعای
 ایلہ تنویر ایدیور .

سورہ بتون بتون خراب اولدی . ایلر طوتر یری قالدی . تجارت
 معطل . آسایش مفقود . راحت منسلب فقر و ضرورت صوکنہ بشتدی .
 تکمیل خلقلک اللری بوکرنندہ قالدی . ہرکس حلول فردایی دہشتلی صبرسزہ
 لقلہ بکلیور .

اورتہدہ بر اصلاحات سوزیدر کیدور . حکومتہ بالانحلیق یاقشمز . بچاورہ
 پارچہلرندن . قیمتسز استانبول غزہلرلہ ہذیانملر ترتیب ایتدیرمک حکوہ
 متک شان و شرفہ شیندر . عیدر . ملک الدن کیدور . قوہ حاکمہمزی
 غائب ایدرسکر عنصر حاکم اولان بزرک کیدہجک ہیچ بریرمز یوقدر .

(الحاضره) جریدہ سئندہ اوقود یغمز بر مقالہ جیلہنک بر فقرہ
 مترجمیدر :

« اصول مشورتک ترقیات مادیہ و معنویہ ملتہ . عمران و محروسیت مملکتہ
 نہقدر فیاضانہ برتأثیر اجرا ایتدیکنی اکلامق ایچون بیک چوق اوزاقلرہ کیتہمیہ
 حاجت اولیوب فرانسہ حکومت نقیمہ سنک حال حاضر ادارہ سیلہ یوز سنہ
 اولکی اغتشاشات مترزلانہسنی نظر دقت و عبرت اوکنہ چکمک کفایت ایدر .
 صدر اسلامدہ اصول مسنونہ مشورتک نہقدر معتتا و مرعی طوتیلمش

اولدیفنی بیلیمین برمسلم اولسہ کرکدر :
 خلیفہ ثانی عمر الفاروق حضرتلری امت اسلامیہ بینندہ بر نزاعک احتمال
 وقوعہ قارشی کندیسندن صکرہ ایچلرندن بریسی خلاقہ کیکرملک اوزرہ
 مشاہیر صحابہدن اتی ذاتی توصیہ ایش ایدی . ارتحالندہ . ارکان امت لدی .
 الاستشارہ خلاقی عثمان ابن عفان . علی ابن مالک . عمر ابن عاف حضرتانہ
 حصر ایشلردی . عمر ابن عاف حضرتلری تبدیل جامہ ایلہ . صورت